

Starfsáætlun
Leikskólinn Akur
fyrir skólaárið 2020-2021

HJALLASTEFNAN EHF



Um leikskólann

Leikskólinn Akur er til húsa að Tjarnabraut 1. Leikskólastjóri á komandi starfsári er Sigrún Gyða Matthíasdóttir og er Guðrún Lilja Jónsdóttir meðstjórnandi. Skólaárið 2020 til 2021 er 13. starfsár leikskólans. Leikskólinn er rekinn af Hjallastefnan leikskólar ehf. samkvæmt þjónustusamningi við Reykjanesbæ.

Í nóvember mun Sigrún Gyða fara í fæðingarorlof og á meðan mun Guðrún Lilja leysa hana af og Kolbjörn Ivan Matthíasson verður meðstjórnandi.

Starfsáætlun þessi tekur gildi þann 1. september 2020 og er skilað til Hjallastefnunnar ehf. og Reykjanesbæjar.

Tölulegar upplýsingar - börn

Fjöldi barna er áætlaður 130 börn, 51 stúlkur og 61 drengir eru komin í nám september 2020 og munu 6 stúlkur bættast við fyrir áramót 2020-2021 ásamt tveimur drengjum. Hvatt hefur verið til aukins sveigjanleika varðandi dvalartíma barna þetta skólaárið vegna stöðu atvinnumála í Reykjanesbæ. Mikill meirihluti barna er í 8 - 8,5 klst vistun. Flóttabörn sem stunda nám við skólann eru í 5 klst vistun að ósk bæjarins og 2-5 börn með sveigjanlegri vistun frá 4-7 klst.

Fjöldi þeirra barna sem fyrirsjáanlegt er að njóti sérkennslu eru 5 drengir og 1 stúlka en þá er ekki tekinn með fjöldi barna með málþroskafrávik. Fjöldi stöðugilda sem nýtt eru í sérkennslu við upphaf skólaárs 2020-2021 er 4,5.

Fjöldi barna sem hafa íslensku sem annað eða þriðja mál er 22.

Sómalíska	3
Spænska	1
Arabíska	1
Pólska	7
Sænska	1
Portúgalska	1
Lettneska	1
Lithuanian	2
Kúrdíska	1
Filipíska	2
Rúmenska	1
Rússneska	1

Starfsmannamál

Starfsmenn leikskólans Akurs næsta skólaár verða 35 talsins í 34,5 stöðugildum. Þetta getur þó breyst þegar vistunartími barnanna er endanlega staðfestur og þörf fyrir sérkennslu hefur verið metin. Hjallastefnan stendur fyrir öfluggu samstarfi allra Hjallastefnuskóla um starfsþróun og símenntun starfsfólks en að auki gefst starfsfólki

kostur á að sækja sér menntun og starfsþekkingu úr öðrum áttum og hvetur leikskólinn Akur starfsfólk sitt eindregið til þess. Um starfsþróun og símenntun má nánar lesa í símenntunaráætlun leikskólans.

Faglegar áherslur

Leikskólinn Akur starfar eftir hugmyndafræði Hjallastefnunnar. Hugmyndafræðin byggir í stórum dráttum á hugsjónum um jafnrétti og velferð og henni er lýst í skólanámskrá leikskólans, í bókinni „Æfingin skapar meistarann“ eftir Margréti Pálu Ólafsdóttur höfund stefnunnar, í ýmsum ritum útgefnum af Hjallastefnunni ehf. og á fræðsluvef félagsins <https://www.hjalli.is/>

Leikskólinn starfar að sjálfsögðu einnig á grundvelli Aðalnámskrár leikskóla frá árinu 2011 og er útfærslum á markmiðum hennar lýst í skólanámskrá leikskólans. Einnig tekur leikskólinn mið af Menntastefnu Reykjnaesbæjar (2015) en endurskoðun á stefnunni er hafin.

Auk Hjallastefnunnar og lögbundinna áherslupáttanna í Aðalnámskrá leikskóla á leikskólinn Akur sér sínar sérstöku áherslur: Fjölmennung er okkur ofarlega í huga og erum við með fjölmennungaverkefni í gangi til þess að tengja betur heimili og skóla fjölyngdra barna. Þá leggjum við áherslu á að skólinn útvegi túlkajónustu þegar þess er þörf og að foreldrar af erlendum uppruna sé boðið að koma og kynna fyrir börnum og kennurum þætti úr menningu heimalandsins, hvort sem það er í formi matargerðar, tónlistar eða staðarháttanna.

Við erum með öflugt 5 ára starf á leikskólanum og undanfárin ár hefur verið áhugi fyrir því að efla og bæta útisvæði skólans. Á þar síðasta skólaári var sett upp nýtt leiktæki á lóð skólans ásamt því að haldið verður áfram að rækta upp lóðina. Foreldrar og kennarar hafa gróðursett tré nýlega og búið er að byggja hæsnakofa á lóð skólans og eru fjórar heimaræktaðar hænur fluttar inn í hann.

Aðalmarkmið komandi skólaárs verður að kafa dýpra í hugmyndafræði Hjallastefnunnar, leggja áherslu á málörvun og auka gæði í barnastarfi. Einnig stefnum við að því að starfsfólk deili fagþekkingu sinni um húsið og fræði samkennara og nemendur um ákveðin málefni sem kennarar eru sérfróðir í og þekkja vel. Þannig fá allir vel að njóta og læra um hin ýmsu málefni t.d numicon, styrkleikar, Lubbi finnur málbein, kynjanámsskrá og margt fleira.

Nánari útfærslu á fagstarfi, hugmyndafræði, markmiðum og leiðum má sjá í skólanámskrá Akurs.

Mat og umbætur

Leikskólinn Akur stendur á hverju ári fyrir umfangsmiklu innra mati sem að nokkru er hluti af reglubundnu innra eftirliti Hjallastefnunnar ehf. s.s. spurningakönnun fyrir foreldra, spurningakönnun fyrir starfsfólk, athugun á lögbundnum gögnum skólans og rekstrarskoðun útisvæðis, en að nokkru er innra matið einungis á vegum leikskólans og er notað innan veggja hans, s.s. gátlistar fyrir foreldraviðtöl, skráning á vali og úrvinnsla úr hópatímaskráningu. Á grundvelli niðurstaðna úr innra mati hvers skólaárs

vinnur leikskólinn umbótaáætlun. Ítarlega útlistun á innra mati leikskólans og umbótaáætlun má finna í skýrslu hans um innra mat.

Ytra mat á skólastarfinu er í höndum sveitafélags og Menningar- og Menntamálaráðuneytis. Heilbrigðisyfirvöld kanna aðstæður í leikskólanum reglulega og útsvæðið er aðalskoðað af faggildum aðila árlega.

Samstarf við grenndarsamfélag

Leikskólinn Akur leggur sig fram um góð samskipti við grenndarsamfélagið. Á hverju ári bíður bókasafn bæjarins börnunum á Akri að koma reglulega í bókalestur en við höfum minnkað það samstarf og lagt meira í samstarf með bókasafni Akurskóla. Listahátíð barna í Reykjanesbæ er á hverju ári og hefur leikskólinn tekið virkan þátt í henni. Leikskólinn Akur, Leikskólinn Holt og Akurskóli ásamt Stapaskóla hafa staðið að samvinnuverkefni yfir þórrann sem nefnist Þórrapema. Þar er um stöðvavinnu milli skólanna að ræða þar sem skipst er á fróðleik og skemmtun með tengingu við þórrann svo fátt eitt sé nefnt. Einnig er Akur með óformlegt samkomulag við Víkingaheima um að fá að koma með barnahópa þangað.

Samstarf við fjölskyldur

Leikskólar Hjallastefnunnar setja samstarf við foreldra og fjölskyldur leikskólabarna í öndvegi. Leikskólinn Akur stendur reglulega fyrir atburðum sem efla samstarf leikskólans og heimilisins auk þess sem óreglulegum uppkomum sem tengja fjölskyldur við leikskólann er fagnað. Á komandi skólaári var fyrirhugað að halda foreldramorgna, en við bjóðum þá foreldrum að koma og njóta morgunsins með okkur og borða morgunmat með börnunum sínum. Hjá yngstu börnunum bjóðum við foreldrum að koma og njóta nónnverðar með okkur þar sem litlu kríunum getur þótt það ruglingslegt að foreldrar staldri við að morgni. Áætlað er að halda ömmu og afa morgna á komandi skólaári ásamt því að efla samstarf við grenndarsamfélagið.

Á bóndadaginn bjóðum við í karlamorgunverð og á konudaginn bjóðum við í konukaffi. Þessir foreldra/fjölskyldumorgnar hafa mælst vel og er frábær mæting ár hvert.

Komandi skólaár verður þó líklega með öðru sniði vegna Covid-19, þ.e.a.s. í nándar-og fjöldatakmörkunum foreldra.

Einnig er gaman að segja frá því að foreldrar og starfsfólk hafa sameinast um að elsti árgangur Leikskólans Akurs fari nú árlega í tveggja náttu ferðalag á vordögum ásamt kennurum í Vatnaskóg. Jómfrúarferð Akurs var farin 2017 og var almenn ánægja með ferðina. Svo mikil ánægja í raun að foreldrafélagið sá ástæðu til þess að gefa öllu starfsfólki skólans glaðning í þakklætisskyni fyrir vel unnin störf. Því munum við stolt halda áfram að fara tveggja náttu ferðalag og vorið 2018, 2019 og 2020 gengu ferðir einnig glimrandi vel. Vorið 2020 var útskriftarferðin þó með breyttu sniði vegna Covid-19 en þá fóru börn og kennarar í Vatnaskóg í einn dag og var hópnum skipt upp með tilliti til sóttvarna og var þá ekki gist í tvær nætur eins og vant er. Við vonumst til að halda áframa útskriftarferðunum okkar með óbreyttu sniði á næsta ári.

Foreldraráð þriggja foreldra er starfandi við skólann og er hluti af stjórnkerfi leikskólans. Í foreldraráðið er kosið í september ár hvert á opnum foreldrafundi. Foreldraráð fundar að minnsta kosti tvisvar á starfsárinu og gefur umsögn um starfsáætlun og skóladagatal svo og skólanámskrá leikskólans.

Foreldrafélag er einnig starfandi í tengslum við skólann og stendur það fyrir margvíslegum uppákomum sem gleðja börnin s.s. sumarhátíð, leikritum og fleiru. Foreldrafélagið hefur frjálssar hendur um dagskrá í samvinnu við leikskólann og er gaman að segja frá því að dagskráliðir eins og páskaeggjaleit og sumarhátíð hafa fest sig í sessi.

Upplýsingar um dagsetningar helstu viðburða í foreldrasamstarfi er að finna í meðfylgjandi skóladagatali.

Skóladagatal

Meðfylgjandi er skóladagatal fyrir skólaárið en það tekur einhverjum breytingum sem uppfærðar eru jafnóðum á vefútgáfu skóladagatalsins á [Leikskólinn Akur](#).

Reykjanesbær, 1. september 2020

Foreldraráð leikskólans Akurs hefur kynnt sér starfsáætlun þessa og samþykkir hana fyrir sitt leyti.

Með bestu kveðju,


f.h. foreldraráðs leikskólans Akur